

ռելատիվերին, որոնք «սեղաններ են պատրաստում ֆուսիների վրա: Գնում են քաղաք, բակլա, ձեթով փլավ, բոխի, ավելուկով աղցան, օղի և այլն: Ջարեկամները և հարևանները քահանայի առաջնորդութամբ գալիս են տները, հոգոց ասում, օղի խմում, մի քիչ էլ հաց ուտում: Հետո ամեն տնից տղամարդիկ օղի և ուտելիքներ առած՝ գնում են եկեղեցու գավիթը, ուր քահանան մի հոգոց է ասում բոլոր ննջեցյալների համար, և ապա բոլորը խումբ-խումբ կամ խառը նստած ուտում են բերածները...»⁴¹: Այցելում էին նույնպես միմյանց՝ հարևան հարևանի և Մեծ պասը շնորհավորում, նախ և առաջ գյուղի տանուտերին:

Մեծ պասի սկզբին տանտիկինը պոկում է հավի հնձնից՝ պոչից յոթ հատ փետուր և ցցում սոխի, կարտոֆիլի կամ խմորի գնդի մեջ, պատրաստում այսպիսով բալդէն⁴², պասի պուլով, որը կախում էին առաստաղից և այնուհետև երեխաներն ամեն շաբաթ մի փետուր էին պոկում: Դա Մեծ պասի օրացույցն էր:

Գորիսում պասի առաջին օրը գլխավորապես աղջիկներն ու հարսները, ինչպես նաև բոլոր հասակի կանայք, գնում էին ուխտ սրպ Մրտաիրիսի՝ սուրբ Մարտիրոսի քարայրը, որի գլխին բուսած էր մի հինավուրց կաղնի: Մի ժամանակ շուրջը բուսած է եղել մի ամբողջ պուրակ, որից մնացել է միայն մի այդպիսի ծառ, որի հաստ ճյուղերից մի քանիսը հեռու էին ուղղված: Զահելները կապում էին նրա վրայից ճիւղ, հօնջի՝ ճլօրթի և մինչև երեկո ճոճվում էին, սա էլ ուներ իր մագիկ իմաստը, անեցնելու, բուսցնելու նպատակով և նույն իմաստով կրկնվում էր նաև Վարդէվափն:

Կապանի գյուղերում՝ (Վաչագան). պահանջվում էր, որ Բարեկենդանից մինչև Զատիկ ամբողջ Մեծ պասի ընթացքում, օջախի կրակը չհանգչի: Հարսների պարտականությունն էր օջախի կրակը ժամանակին մոխրով ծածկել և անշեջ պահել:

Միչինգ: Նորապսակ աղջկան մայրը Միչինգին գաթա էր ուղարկում, իսկ ապագա սկեսուրն իր տղայի նշանած հարքնին՝ խօնչա—ձեթով, մեղրով հալվա, գաթա, ամեն տեսակ խօշկաբար, մի խալաթ՝ շորեղեն, մատանի էր ուղարկում:

Զրոգարքար: Ծառզարդարին, Ծաղկազարդին, Ծրոզէրդարին⁴³ շաբաթ գիշերից սկսվում էր պատրաստություն: Գնում էին ժամ, եկեղեցու զանգերն էին քաշում և տերտերին վաղ ոտքի կանգնեցնում: Երեխաներն անվերջ ճռաձև, ճրճաձև էին ճռացնում: Ամեն մի երեխա ձեռքին ունենում է մի-մի շամ՝ մոմ:

Եկեղեցու սեղանի մոտ կանգնեցնում էին մի ուռենու ծառ՝ մոմերով ու կարմիր ժապավեններով զարդարված կամ ուռու ճյուղեր էին դնում սեղանի վրա: Այդ օրը հատկապես աղջիկների օրն էր, երբ նրանց, ըստ տեղական

⁴¹ Կալայեան Ե., Միսիան, էջ 154:

⁴² Հմմտ. ախաթիզ (Զանգեզուր, Բուլանըղ, Երևան, Նոր Բայազետ), ախելուծ, ախացել (Բասեն, Ալեքսանդրապոլ, Ախալքալաք, Նոր Բայազետ), գօգոսօզ (Բարերդ), խախալին (Նիկոմիդիա), խօլունիկ, խուլուրտիք (Բուլանիա, Քղի), պահե-նուեմ (Բուլանիա), մոմառ (Ղրիմ, Նոր Նախիջևան), ախըլօջ (Էրզրում, Ախալցխա, Ախալքալաք), Մէծ պաս (Արարատյան դաշտ, Օշական), պապի պլօր (Լոռի, Ղազախ), պապի պուլով (Ղարաբաղ): Ս. վարդ. Ամատունի, Հայոց բառ ու բան, Վաղարշապատ, 1912, էջ 8. Հ. Աճառեան, Հայեր., գավառ. բառ., էջ 54:

⁴³ Մեղրու բարբառով: